

[0]出街食飯

[1]今日爸爸媽媽同我出街食飯。我哋去到餐廳坐低。叔叔問我哋食乜嘢，爸爸答：「呢個，呢個，同呢個。」

[2]啲嘢食嚟㗎，枱上面有一碟魚，一碟菜同一碟肉。爸爸食一碗飯多少少，媽媽食一碗飯，我食少少飯。

[3]食完飯，姨姨問我哋：「飲唔飲湯？」媽媽話：「好啊！兩碗，唔該！」姨姨放低兩碗湯，媽媽叫我試下自己飲湯。

[4]我想學爸爸拎住碗湯飲，我掂下個碗，碗湯好熱。

[5]我睇一睇媽媽，媽媽叫我唔好驚。

[6]我知道喇！媽媽爸爸都喺度，我唔使驚㗎！我再試多一次，我拎到喇！好熱！好重！啊——

[7]碗湯跌咗落地下，個碗爛咗，我好驚叔叔姨姨會鬧我，驚到喊咗出嚟。

[8]姨姨見到個碗爛咗，不過佢冇鬧我，仲問我：「你哋有冇事啊？等我清理下先。唔好喊啦，冇嘢喇！」

[9]叔叔叫我哋坐去第二張枱，仲拎咗碗新嘅湯畀我，呢次媽媽餵我飲。我覺得呢度啲湯同嘢食都好好味，叔叔同姨姨都好好人。

[10]要走喇，我同姨姨講：「我好鍾意嚟呢度食飯！」

姨姨答我：「多謝你啊！下次再嚟㗎！拜拜！」

「好啊！拜拜！」

下次我要自己飲湯！

00010:《出街食飯》Going out for a Meal

The CC BY 4.0 license REQUIRES that any reused or repurposed content must have the correct ATTRIBUTION. Please use the text below in your citations, printouts and copyright pages.

Attribution Text

“Going Out For A Meal” (Cantonese), written by Kt Chan, illustrated by Sam, published by HamBaangLaang (© HamBaangLaang, 2020) under a [CC BY 4.0](#) license on hambaanglaang.hk

Music. Moonlight on the Ground 4 celli – Wong Kong-Yu

[Find out more here: [HamBaangLaang Attribution terms and CC 4.0](#)]
